



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

Caminos addobbados a festa cun bandierinas, palmas e frores, subra de s'asfaltu unu letu de pètalos de rosas e gente meda, medas meda tzitadinos chi, a pustis de duos annos de abetada càusat pandemia, ant ammustradu su disìgiu pròpiu de accollire sa Patrona. Est istada una die importante pro sa tzitade nostra; in fines amus acòlli Sant'Aleni in processione, cursende is bighinados de su tzentru istòricu in custa fase istòrica gasi importante.

Ocannu est in fines possibile bìvere in presèntzia totu is tzelebratziones previstas, recuperende s'ispiritu e s'entusiasmu chi in manera notòria sa festa de Sant'Aleni porrida cun sese. Torramus a mòvere de nois, de is traditziones nostras e de sa comunidade nostra, cun cuddu profundu sentidu de appartenèntzia chi nche marcat e chi nche devet unire is uni cun is àteros sena lassare in dae segus perunu, de cale si chi siat situatzione de dificultade e de cale si chi siat apretu umanitàriu acudat.

Is tzelebratziones pro sa Patrona nostra sunt apuntu su momentu in su cale sa tzitade s'agatat, si fai strinta, si aunit. Dia chèrrere duncas ringraziare su neu Cardinale Arrigo Miglio chi at chertu presentziare non petzi a sa Santa Messa ma fintzas a sa processone, rugrende cun nois totu Quartu. Est unu fatu chi la narat longa subra de is sensibilidades chi s'ispissu agatemus e iscobergiamus in is cunfrontos de sa comunidade nostra.

Oe sighit sa die de festa, cun s'inauguratzione, a s'Ex Cunventu de is Cappuccini, de sa mostra dedicata a Anna Castellino, imbentora e iniziale curadora prima chi a dolu mannu nche lassaret. Un'espositzione cun documentos de archìviu chi contant is fatos iscolàsticos de annos medas faghet, de comente a iscriiant is pitzinnas e is pipios a sa metade de su sèculu coladu. Unu de cuddos ritagli de istòria chi dant unu sentidu a sa vida fitiana.